

備急灸方

景

宋

本

備

急

灸

方

增
刻
鍼
灸
擇
日
編
集



余十有三歲而失所怙母氏

鑒

為愛踰四十無所成自謂膝下

遺

樂有足以盡此身者忽抱終天之

恨淚涸而痛不定試為陳之母氏

素患頸風歲十數作二必嘔痰加

以昏眩因得默齋撫幹州父烏

宰茶方於是作少踈雖作亦易愈
近時烏附不易得每聞入京有便
必以買川烏為先或它出亦預合
數服以進前數年或鼻塞不通或
脾弱無味隨證審方儲材合劑或
丸或散朝搆暮成未嘗敢求諸市



肆然頭風則年餘不作矣矧又飲食頻快但覺肺力微怯歲旦家常茹素飯則盡挽羹亦稱美蕘私謂吾母今年七十而胃府如此眉壽何疑者越八日忽有小红粟粒發右耳旁次日右頰右目頗腫命醫

視之用藥敷貼膿毒漸出謂可徐
二抽減謹重太過專守頭面不可
妄施針砭之說有令灸三里穴下
抽者醫持不可未幾其腫愈堅似
瘡而根則大如癰而反無膿外不
熱而內不疼旬日後始寢甚矣吾


母至謂鄉曰汝抄方嗜藥胡為不
曉此證倉忙中罔知所措更醫亦
云無策母氏神識了然以至不救
日月不居俄至卒哭客有携示蜀
本灸經與竹馬灸法者備述剋驗
內有鬚疽丁瘡乃知咸有灸法而

竹馬一法則諸證無不治痛哉痛
哉何嘆及矣邇平時每憲風在頭
目猶謂老人脫有隱疾可以延壽
幸而頭風已痊又孰知危證之竊
發喜未幾而痛因極哉此所以仰
天挺心而嘔血也世有此方吾不

蚤得而見之吾母不存而其方則
存其方存而後之人有蚤得而見
之者庶幾乎吾母雖無及而猶及
人也遂與烏宰茶方併刊以傳焉
吾母山陰博古石氏也淳祐乙巳
五月朔孤學鄉貢進士孫炬卿序



備急灸法



寶慶丙戌正月望

杜一鍼防禦壻樵李聞人

耆年述

古人云凡爲人子而不讀醫書是謂不孝則夫有方論而不傳諸人者
寧不謂之不仁乎然方書浩博無慮萬數自非夙昔究心未易尋檢
本朝名醫團練使張渙著雞峯普濟方外又立備急一卷其方皆
單行獨味緩急有賴者張公之用心其可謂切於濟人者矣僕自
幼業醫凡古人一方一技悉講求其要居鄉幾四五十載雖以此養
生亦以此利人僕今齒髮衰矣每念施藥惠人力不能逮其間惠
而不費者莫如針艾之術然而針不易傳凡倉卒救人者惟灼艾
爲第一今將已試之方編述成集鋟木以廣其傳施之無疑用之

有効返死廻生妙奪造化其有稍涉疑難之穴見諸圖畫使抱疾遇患者按策可愈庶幾少補云

諸發等證

石癰附

腸癰

丁瘡

附骨疽

皮膚中毒風

卒暴心痛

轉胞小便不通

霍亂

轉筋

風牙疼

精魅鬼神所淫

夜魘不寤

卒忤死

俗謂鬼打衝惡也

溺水

自縊

急喉痺

鼻衄

婦人難生

小腸氣

一切蛇傷

犬咬

狂犬咬毒

屈指量寸法例

以薄竹片或以
蠟紙條量手中
指中節橫文取
上下截齊斷爲
一寸男左女右



諸發等證

一

葛仙翁刻石江陵府紫極宮治發背發肩發鬚發鬢發助及一切惡腫法已上數種隨其所發處名之也其源則一故灸法亦一本然數種中死人速者發背也其候多起於背胛間初如粟米大或痛或痒色赤或黃初不以為事日漸加長腫突滿背疼痛徹心數日乃損人至此則雖盧扁不能治矣惟治之於初皆得全生其餘數種皆依法早治百無一死凡覺有患便用大蒜切片如錢厚如無蒜用淨水和泥捻如錢樣用之貼在瘡頭上如瘡初生便有孔不可覆其孔先以菴豆大艾炷灸之勿令傷肌肉如蒜焦更換待痛稍可忍即漸放炷大又可忍便除蒜灸之數不拘多少但灸至不痛即住若

住灸後又腫又痛即仍前灸之直候不腫不痛即住每患一箇瘡或灸三百壯五百壯至一二千壯方得愈者亦有灸少而便愈者若患三五箇瘡並須各各依法灸之灸後不腫不痛則愈矣男女同法孫真人治石癰亦如此法灸之石癰者其腫發至堅如石有根故名之也灸之石子當碎出即愈

此係當頭用太赫灸法議論互見後竹馬灸法中

腸癰

二

孫真人治腸癰法云腸癰之證人多不識治之錯則殺人其證小腹重而硬以手抑之則小便如淋狀時時汗出而惡寒一身皮膚皆甲錯腹皮鼓急甚則轉側聞水声或繞臍生瘡或臍孔

膿出或大便下膿血凡有此證宜速灸兩肘尖各百炷炷如粟
豆大則大便當下膿血而愈依圖取穴

圖形

男女同法

